

ԲԱՆԱՍՏԵՂՄԱԿԱՆ

ԳՐԻԳՈՐ ՆԱՐԵԿԱՑՈՒ ՀԵՏ

Ով ամենատես

Այս գիշեր հոգիս միում էր սաստիկ
Թախծութեան հրով,
Ու ես մատեանդ յոյսի պէս դրած
Տուայտաններիս սեւ գրակալին,
Թերթում էի լուռ՝
Մո՛ւր էի թերթում,
Լո՛յս էի թերթում
Ծո՛վս էի թերթում
Ու թերթում կրակ ...

Եվ ո՛վ անբնին.

Ով զրուցակից ահեղ Աստծոյ,
Ես ամրող գիշեր
Զրուցում էի տառապեալիդ հետ,
Թէեւ զրոյցս շշուկ էր միայն
Ծովիդ մոլեգին շառաչինի դէմ
Եւ մուր անտառիդ փորորկումի դէմ
Տերեւի թեթեւ սոսափ էր միայն
Եւ հրդեհիդ դէմ առկայժ մի կանթեղ...

Զրուցում քեզ հետ

Ու տաֆ շուրթերով շշնչում էի,
Ով քարերանեալ,
Դու, որ աշխարհի մեղմերը բոլոր
Քո ուսին առել,
Այդ թեռից ծալուել, հալուել, ծաւալուել,
Որ դարձել էիր ամեհի մի ծով,
Ու տառապագին ալերախութեամբ
Խնձդ քեզ զըտես,
Դարձնես ցողի մաքուր աւագան,
Դարձնես յոյսի անթախիծ ծփանք,
Խղճի անարատ ակունք դարձնես,
Արդ սատար եղիր,
Օգնական ինձ լեր,
Քանզի դեռ պղտոր ալիմի նման
Զարկւում քարեալը

Ու չեմ կարենում մաքրութեան
հասնել...

Դու, որ սեխմիդ սեւ ծալֆերի մէջ
Հուր էիր դարձել,
Որ ինքնանուէր ողջակիզումով
Խնձդ քեզ այրես,
Դարձնես պայծառ նառագայթ փառաց,
Դարձնես յոյսի անհուն պատարագ
Եւ առաւօտի լուսաստղ դարձնես,
Արդ սատար եղիր,
Օգնական ինձ լեր,
Քանզի դեռ միում ու չեմ կարենում
Հուրիրալ որպէս թրթիոը բոցի,
Պտտւում անվերջ
Որպէս մի մթին միգամածութիւն
Ու չեմ կարենում ցոլալ աստղի պէս ...

Ով յաւերժ ընթացք,

Դու, որ ընթացել, չես հասել սակայն,
Ինձ սատար եղիր,
Օգնական ինձ լեր,

Հեռւում ցոլում է մի խարտեաշ
տեսիլք,

Ալեւտում է մի բոսոր ցնորք,
Եւ սակայն որքան մօտենում եմ ես,
Այնքան կրկնակի հեռանում նրանք,
Դանում են անհաս ...

Ուժ տուր գնալու ...

Այնտեղ ոսկեւոր հեռաստաններում,
Արտեր են ծփում անորոմ ու սուրբ,
Եւ հասկերի մէջ հասունանում է

Համը քարութեան ու արդարութեան ...
Այնտեղ խաղողի վազերը ոսկէ
Մայրակաք հողի ու արեգակի
Տաք առնչութեամբ
Լոյս են արարում
Եւ արարում են Աստծոյ ոգի ...

Եւ աղքիւրներ կան այնտեղ խղճի պէս,
Եւ կաղնիներ կան՝ հաւատի նման,
Եւ ջրվէժներ կան որպէս բերկուրիւն,
Եւ ծաղիկներ կան, որ մարդու ոտքը
Կարող են օծել աստղի արցունիով ...
Ուժ տուր գնալու,
Ուժ տուր հասնելու եւ ճաշակելու
Անձայր քարուրեան խորհուրդը խորին ...
Ով օրինաբերան,
Ըստ մարգարեիդ ու տառապեալիդ
իմաստուն խօսի.
Ես էլ եմ ամպել ու չեմ անձրեւել,
Արդ սատար եղիր,
Օգնական ինձ լիր,
Տո՞ւր ամպրոպը քն,

Որ ես լիարուռն անձրեւեմ ծարաւ
դաշտերի վրայ,
Արեւը խառնեմ անձրեւիս լացին,
Որ նա լուսաւոր թախծուրեան նման
Փռուի դաշտերին,
Մաւալուի որպէս ծաւի ծիածան ...
Ով առաքեալդ կատարելուրեան,
Անկատար եմ դեռ,
Տո՞ւր տառապագին քո ընթացքը ինձ,
Նուիրաբերիր ալերախումիդ տարերքը
ահեղ,
Շնորհի՛ր պայծառ մրրիկը լոյսիդ ...

ՎԱՀԱԳՆ ԴԱԼԻԹԵԱՆ

Կ'ՈՒՁԵՆՔ ՈՒԽԵՆԱԼ

Յանախ կը ցանկանք ունենալ պահեր,
Ուր սիրտը լեցուի անհուն հրճուանիով...
Ուր հոգին թերեւ՝ ըզգայ դրախտներ
Կ'անցնին իր մէջն մի ակնբարբով...:

Յանախ կը ցանկանք անվերջ երազով
Գիշերուան անթիւ աստղերն համրուրելի...
Հրճուանի վերջին կայան կարծելով
Քնքուշ թարմուրեամբ վերստին ննջել...:

Աստղէ երազով վառող մեր հոգին
Երբեմըն կ'ըղձայ գարնան փլք-ըքում,
Ինչ փոյք որ աշունը՝ ծառէն կեանի
Կը մերկացընէ յոյսերն օրօրուն...:

Արեւներ չորս դին կ'ուզենք ունենալ
Սրտի ջերմուրիւն ըղձալ ամեն ժամ...

ԲԱԳՐԱՏՈՒՆԻ

ՍԻՀՈՒՆ

Հեռուէն Տորոսի
Ալեւոր լերանց
Խորքէն անթափանց
Սիհուն կը հոսի:

Լեռներու սրտին
Գիտէ՞ յոյզն անքաւ
Անոնց որ կանիաւ
Կոհակներ էին:

Զայնն իր չուրերուն
Ու խաւարն հզօր
Լերանց իղձն է զոր
Կը տանի ծովուն:

Անշարժ, դարաւոր
Լեռնասարերու
Թռչելու, ծփալու
Կարօսն է բոլոր:

Զոր Սիհուն սարսուն
Կ'երթայ տանելու
Լեռներէն հեռու,
Մշտառոյգ ծովուն:

ԻՆՏՐԱ